

輿地廣記

輿地廣記

輿地廣記卷十八

河東路上

宋

歐

陽

恣

巽

大都督府太原府春秋屬晉戰國屬趙秦昭襄王使蒙
騫攻趙初置太原郡二漢因之兼置并州魏晉為太原
國後魏復為郡北齊後周皆因之隋初曰并州後曰太
原郡唐武德元年為并州天授元年置北都開元十一
年曰太原府後領河東節度周初割崇竊據其地皇朝
太平興國四年克復降為并州嘉祐四年升為太原府

河東節度今縣九

次赤陽曲縣本漢狼孟縣地故城在今縣東北屬太原郡東漢自今定襄縣移陽曲於此晉因之隋開皇六年改曰陽直十六年改曰汾陽唐武德七年復曰陽曲自劉氏竊據以前府治太原晉陽二縣皇朝太平興國四年王師克復遂徙州治陽曲而空其故城太原縣禹貢所謂旣修太原是也秦以來爲太原郡治東漢以後兼爲并州刺史治焉後魏尔朱榮高歡父子皆據此隋開皇十年於州城中古晉陽置太原縣

唐高祖於此起義師以興王業皇朝太平興國四年省入榆次晉陽縣本漢舊縣北齊置隴山縣隋開皇十年改曰晉陽皇朝建隆四年以爲平晉軍太平興國四年廢爲平晉縣熙寧三年省入陽曲有龍山晉水所出

次畿太谷縣本漢陽邑縣屬太原郡東漢及晉皆因之隋開皇十八年更名唐因之有太谷山

次畿榆次縣本涂水晉大夫知徐吾之邑也秦莊襄王三年蒙驁攻趙榆次漢屬太原郡東漢晉因之北齊

改曰中都隋開皇初復曰榆次唐因之

次畿壽陽縣晉泰始中置屬樂平郡後廢隋開皇十年復置屬并州後曰受陽唐武德六年受州徙治此貞觀八年州廢來屬十一年復曰壽陽有方山

次畿孟縣本晉大夫孟丙邑漢屬太原郡東漢晉因之後廢隋開皇十六年置原仇縣大業初復曰孟唐武德三年置受州貞觀八年州廢來屬

次畿交城縣隋開皇十六年分晉陽置屬并州唐先天二年析置靈川縣開元二年省

次畿文水縣本太陵縣地昔趙武靈王遊太陵夢處女鼓琴而歌卽此漢屬太原郡東漢晉因之後曰受陽隋開皇十年改曰文水屬并州唐武德中屬汾州貞觀初還屬并州天授元年以武后鄉里改爲武興神龍元年復爲文水

次畿祁縣本晉大夫祁奚邑晉滅祁氏以賈辛爲大夫漢屬太原郡東漢晉因之北齊省隋開皇中復置屬并州唐因之

次畿清原縣本梗陽晉大夫魏戊邑漢爲榆次縣地隋

置清源縣以清源水爲名屬并州大業初省入晉陽
唐武德元年復置

大都督府潞州春秋時爲黎侯後赤狄奪其地而潞子
嬰兒爲晉所滅其地屬晉戰國時曰上黨爲韓之別都
遠韓近趙秦攻上黨韓不能救其守馮亭以地降趙秦
攻取之置上黨郡一漢晉因之後魏亦爲上黨郡後周
置潞州隋置韓州大業初州廢復置上黨郡唐武德元
年又爲潞韓二州貞觀十七年并韓入焉後領昭義軍
節度皇朝太平興國元年改昭德軍建中靖國元年改

隆德軍今縣七

望上黨縣故黎侯國書所謂西伯戡黎詩所謂狄人迫
逐黎侯是也漢爲壺關縣屬上黨郡東漢晉因之後
魏分置上黨縣爲上黨郡治後周及唐爲潞州治明
皇帝爲州別駕有啓聖宮本明皇故第

上屯留縣春秋時本爲純留屬晉左傳晉人執衛孫蒯
于純留卽此後趙肅侯奪晉君端氏而徙之屯留漢
屬上黨郡東漢晉因之北齊廢焉隋開皇十六年復
置屬潞州唐因之有漢余吾縣故城在縣西北三十

里

上襄垣縣莫屬上黨郡東漢晉皆因之後魏置襄垣郡北齊郡廢後周置韓州隋大業初州廢屬上黨郡唐武德元年復置韓州貞觀十七年州廢來屬有鹿臺山

上潞城縣故潞子國二漢潞縣屬上黨郡晉爲郡治後縣廢隋開皇十六年復置潞城縣屬潞州唐因之有潞水爲并州浸卽濁漳水也

中黎城縣漢潞縣地後魏以潞縣被誅遣人置隋開皇

十八年改名黎城有壺口故關

中壺關縣本漢壺關縣地後魏旣以壺關置上黨縣乃移壺關於此隋大業初省入上黨唐武德四年復析上黨置屬潞州

中長子縣本周史辛甲之封邑左傳晉人執衛行人石買于長子卽此秦爲上黨郡治二漢因之晉屬上黨郡北齊廢焉隋開元九年置曰寄氏縣十八年改曰長子屬潞州唐因之有廢鳩山漳水所出有羊腸坂王莽命左威將王嘉曰羊頭之阨地當燕趙蓋此地

也

中下涉縣二漢屬魏郡晉屬廣平郡後魏廢焉隋開皇十八年復置屬潞州

望晉州堯時爲帝都所謂平陽也春秋屬晉戰國屬魏秦屬河東郡二漢因之魏分置平陽郡晉因之劉淵僭位設都於此後魏亦爲平陽郡兼置唐州後改曰晉州東魏北齊皆爲重鎮隋初郡廢煬帝初置臨汾郡唐武德元年曰晉州天寶元年曰平陽郡梁開平四年升定昌軍後唐同光元年改曰建雄軍皇朝因之今縣十

望臨汾縣本平陽堯所都也戰國時韓武子居之二漢屬河東郡魏置平陽郡晉因之後魏置唐州改曰晉州隋開皇初改郡曰平河改縣曰臨汾尋郡廢大業初置臨汾郡唐置晉州有姑射山

緊洪洞縣本楊侯國姬姓也晉滅之爲楊邑二漢爲楊縣屬河東郡晉屬平陽郡隋屬臨汾郡義寧二年改曰洪洞取縣北洪洞嶺爲名唐屬晉州故洪洞城今在縣北東魏北齊鎮此

緊襄陵縣二漢舊縣屬河東郡晉屬平陽郡後魏太武

以擒赫連昌乃分置擒昌縣北齊廢襄陵入擒昌隋大業初又改擒昌爲襄陵屬臨汾郡唐屬晉州襄公之陵在西北因以名縣

上神山縣唐武德二年分襄陵置浮山縣東南有羊角山四年以老子祠更名神山

趙城縣昔周穆王以趙城封造父卽此漢爲絺縣地屬河東郡隋義寧三年析霍邑置趙城縣屬晉州

上汾西縣後魏置曰臨汾縣及汾西郡隋開皇初郡廢十八年改縣曰汾西屬晉州唐因之

中霍邑縣本絺縣周厲王流於彘卽此漢屬河東郡順帝陽嘉二年改曰永安晉省之後魏置永安郡隋開皇初郡廢十六年置汾州十八年改爲呂州而改永安爲霍邑大業初州廢屬臨汾郡唐屬晉州霍太山在東北禹貢所謂大獄也周封文王子叔處爲霍伯其後晉滅之有彘水西南流入汾

中冀氏縣漢猗氏縣地屬上黨郡後魏置冀氏縣及冀氏郡北齊郡廢隋屬臨汾郡唐屬晉州

中下和川縣

中下岳陽縣漢穀遠縣地屬上黨郡後魏置安澤縣隋大業初改曰岳陽屬臨汾郡唐屬晉州縣在太嶽之南禹貢所謂至于岳陽蓋指此而言也

中府州漢屬太原郡隋屬樓煩郡唐屬嵐州唐末置府州後唐莊宗以雲中人折從阮爲刺史晉出帝時從阮以兵攻契丹取其城堡十餘漢高祖天福十二年置永安軍以從阮爲節度使明年入朝拜從阮子德晟爲本州團練使自此折氏世守府州皇朝因之今縣一下府谷縣有安豐寧府百勝三寨濱河斥侯清化西安

三堡有黃河

下麟州漢屬五原西河二郡隋屬銀勝二州唐因之開元十二年節度使張說奏置麟州十四年州廢天寶元年王忠嗣復奏置又爲新秦郡皇朝乾德五年升建寧軍節度端拱七年改鎮西軍今縣三

上新秦縣唐天寶元年析建谷銀城置爲麟州治按漢書食貨志武帝以山東被水災民多飢乏乃徙貧民於關以西及充朔方以南新秦中今之郡縣蓋其地也

中銀城縣本漢朔陽曼柏二縣地屬五原郡後魏置石城縣後周改爲銀城隋屬綏州後廢焉唐貞觀二年復置四年屬銀州八年屬勝州天寶元年來屬漢本紀光祿勳徐自爲築五原塞外列城西北至盧朐山卽今縣北所謂光祿塞是也

下連谷縣本漢囿陰縣地屬西河郡唐貞觀八年以隋連谷戍置縣屬勝州天寶元年來屬

雄絳州春秋爲晉都戰國屬魏秦時屬河東郡二漢因之晉屬河東平陽二郡後魏置東雍州西魏後周以爲

重鎮後周改曰絳州及平正絳二郡隋開皇初郡廢大業初州廢置絳郡唐武德元年復曰絳州天寶元年曰絳郡皇朝因之今縣七

望正平縣本二漢臨汾縣屬東河郡晉屬平陽郡後周置正平郡隋開皇初置絳州十八年改臨汾縣爲正平大業初置絳郡唐爲絳州有北齊武平關在縣西三十里故家雀關在縣西七里並是鎮處有汾澮二水

望曲沃縣晉文侯封弟成師於此謂之曲沃桓叔二漢

為絳縣地後周置曲沃縣隋屬絳郡唐屬絳州有絳山絳水

望太平縣本漢臨汾縣地後魏置太平縣隋屬絳郡唐屬絳州

上翼城縣晉穆侯自晉陽徙都于絳至孫孝侯改絳為翼謂之翼侯其後為曲沃武公所并自曲沃徙都之復謂之絳二漢為絳縣地後魏為北絳縣及北絳郡隋開皇初郡廢十八年改縣曰翼城屬絳州義寧元年置翼城郡唐武德元年曰澮州四年廢縣來屬

中稷山縣本二漢聞喜縣地屬河東郡後魏置高涼縣又置龍門郡後周置勳州改曰絳州隋開皇初龍門郡廢徙絳州治正平十八年改高涼曰稷山唐因之有玉壁城後周王思政所築為重鎮齊神武再攻圍不克

中絳縣本晉之新田魏獻子曰新田土厚水深居之不疾蓋謂此二漢屬河東郡晉屬子陽後周置絳郡隋開皇初郡廢屬絳州唐因之

下垣曲縣本垣縣二漢晉屬河東郡後廢焉西魏置邵

郡及白水縣後周置邵州改白水爲亳城隋開皇初郡廢大業初州廢改亳城爲垣縣屬絳郡義寧元年置邵原郡唐武德元年曰邵州貞觀元年州廢縣來屬龍朔二年屬洛州長安二年復故正元三年屬陝州元和三年復故今日垣曲有禹貢王屋山沈水所出東流爲濟

上代州春秋屬晉戰國屬趙趙武靈王置雁門郡北其南境秦漢屬太原雁門二郡東漢屬太原雁門代三郡晉置雁門郡後魏又置繁峙郡後周置肆州隋開皇五

年改曰代州唐因之天寶元年曰雁門郡皇朝因之今縣四

中雁門縣本漢廣武縣屬太原郡東漢屬代郡晉爲雁門郡治焉元魏後周皆因之隋初郡廢置代州唐因之有夏屋山史記趙襄子北登夏屋以銅斗擊殺代王卽此有勾注山漢擊匈奴於此一名西陘有滹沱水

中崞縣二漢晉皆屬雁門郡後廢焉元魏置石城縣東魏置廓州北齊改爲北顯州後周廢隋開皇十六年

改縣曰平寇大業初又改曰崞縣屬雁門郡唐屬代州有崞山故樓煩縣本樓煩胡地趙武靈王取之置縣二漢屬雁門郡魏晉廢焉故城在今縣東故唐林縣本武巡縣唐證聖元年析王臺崞置唐隆元年改曰唐林皇朝景德二年省入崞

中下三臺縣本慮虎縣二漢屬太原郡魏晉廢焉後魏置驢夷縣隋大業初改曰五臺屬雁門郡唐屬代州有五臺山慮虎水

中下繁峙縣二漢晉皆屬雁門郡後廢焉元魏復置并

置繁峙郡後周郡縣並廢隋開皇十八年復置縣屬代州唐因之

下濕州春秋屬晉戰國屬魏秦二漢屬河東郡魏晉屬平陽郡後魏北齊爲沁州後周置沁州及龍泉郡隋開皇初郡廢後復置西汾州尋又改爲隰州大業初復置龍泉郡唐武德元年改爲隰州天寶元年曰大寧郡合縣六

上隰川縣本晉之蒲邑晉獻公使公子重耳居蒲卽此漢爲蒲子縣屬河東郡晉屬平陽郡後廢焉後周置

長壽縣及龍泉郡隋開皇初郡廢改長壽縣爲隰川爲隰州治唐因之

上溫泉縣本後周新城縣地隋開皇十年省縣入汾西唐武德三年置溫泉及北溫州貞觀元年州廢以縣來屬

中蒲縣後周置隋屬龍泉郡唐武德二年置昌州貞觀元年州廢以縣來屬

中大寧縣本漢北屈縣地屬河東郡隋爲任城縣地屬文城郡唐武德二年更名是年置中州貞觀元年州

廢以縣來屬

中石樓縣本漢吐軍縣屬西河郡東漢省之後魏置吐京縣及吐京郡蓋胡俗訛訛也隋開皇初郡廢十八年改縣爲石樓屬隰州唐武德二年置西德州貞觀元年州廢屬東和州州廢來屬有石樓山

中永和縣本漢狐譟縣屬河東郡東漢晉因之後周置臨河縣及臨河郡隋開皇初郡廢十八年改縣爲永和屬隰州唐武德二年置東和州六年析置樓山縣貞觀二年州廢省樓山以永和來屬

下慈州春秋屬晉戰國屬魏秦二漢屬河東郡魏晉屬平陽郡東魏置定陽郡及南汾州北齊改爲西汾州隋開皇初郡廢十六年改州爲耿州後復爲汾州大業初州廢直文城郡唐武德元年復曰汾州五年曰南汾州八年曰慈州取慈烏戍爲名天寶元年曰文城郡貞朝熙寧五年州廢屬隰州元祐元年復置今縣一
中吉鄉縣本晉之北屈晉獻公使公子夷吾居屈卽此地產良馬所謂屈產之乘東魏置定陽縣及定陽郡隋改定陽曰吉昌置文城郡唐曰慈州後唐改吉昌

爲吉鄉皇朝因之州廢屬隰州州復置仍爲州治有禹貢壺口山文城鎮本元魏伍城縣地後置文城縣隋屬文城郡唐屬慈州有孟門山黃門皇朝熙寧五年省入吉鄉唐慈州又領昌寧件城呂香三縣昌寧縣元魏直并內陽郡隋開皇初郡廢屬文城郡後唐改曰寧鄉皇朝省之伍城縣元魏置曰刑軍縣後改曰伍城又置伍城郡隋開皇初郡廢屬文城郡周顯德三年省呂香縣隋義寧元年分伍城置平昌縣唐貞觀六年改爲呂香周顯德三年省

下忻州春秋屬晉戰國屬趙秦二漢屬太原郡元魏置
肆州後周徙州於雁門郡隋開皇初置新興郡唐廢十
八年置忻州取忻口爲名大業初州廢屬樓煩郡義寧
元年復置新興郡唐武德元年復爲忻州天寶元年曰
定襄郡皇朝因之今縣二
緊考容縣本漢汾陽縣地屬太原郡東漢省之元魏置
肆州北齊置平寇縣隋開皇初置新興郡十年廢平
寇縣而自今宜芳秀容故城移縣治此十八年置忻
州唐因之有忻口寨繫舟山

上定襄縣本漢陽曲縣地唐武德四年析秀容置有石
嶺關甚險固

潘曾起恭校

輿地廣記卷十九

宋 歐陽忞撰

河東路下

望汾州春秋屬晉戰國屬趙秦屬太原郡二漢屬太原西河二郡魏因之晉屬西河國元魏置西河郡兼置汾州北齊置南朔州後周改曰介州隋開皇初郡廢大業初州廢復置西河郡唐武德元年改曰浩州三年改曰汾州皇朝因之今縣五

望西河縣本漢隰城屬西河郡東漢省之晉復置屬西

河國元魏爲西河郡及汾州治隋唐皆因之肅宗上元元年改隰城曰西河漢京陵縣地屬太原郡卽趙文子與叔向觀于九原之所漢茲氏縣屬太原郡魏黃初二年置西河國有西河恭王司馬子盛碑

望平遙縣本漢平陶縣屬太平郡東漢晉因之元魏以諱改陶爲遙隋屬西河郡唐屬汾州

上介休縣二漢屬太原郡晉屬西河國元魏分置平昌縣後周置介休郡省介休縣入平昌隋開皇初郡廢十八年改平昌曰介休屬西河郡義寧元年復置介

休郡唐武德元年改爲介州貞觀元年州廢來屬有綿上山今謂之介山有介子推祠漢鄆縣屬太原郡東漢晉因之九澤在北是爲昭餘邗漢中都縣文帝爲代王都此屬太原郡東漢晉因之後皆入介休上孝義縣漢中陽縣屬西河郡東漢因之隋曰永安貞觀元年更名孝義有隱泉山

中靈石縣本漢介休縣地隋開皇十年置屬汾州唐因之有貴胡堡唐高祖討宋金剛次于此地有高壁嶺雀鼠谷汾水關皆險固之處

上澤州春秋屬晉戰國屬韓後屬趙秦屬上黨郡二漢屬上黨河東二郡魏晉因之元魏置達州及高都長平安平三郡北齊置長平高都二郡後周併二郡爲高平郡隋開皇初郡廢改州爲澤州大業初州廢置長平郡置澤州天寶元年曰高平郡皇朝因之統縣六一緊晉城縣本高都縣二漢晉屬上黨郡元魏置建州北齊置長年高郡二縣後周併爲高平郡隋開皇初郡廢十八年改縣爲丹川大業初置長平郡唐武德元年置建州三年析丹川縣置晉城六年州廢隸蓋州

徙蓋州來治九年省丹川入晉城貞觀元年州廢隸澤州徙澤州來治有天井關在縣南太行山上

上高平縣本泣氏縣地二漢晉屬上黨郡後析置平高縣北齊改曰高平省泣氏入焉隋屬長平郡唐武德元年置蓋州貞觀元年州廢屬澤州秦將白起坑趙降卒四十萬人於長平卽此地今有頭顱山

上湯城縣本漢澤縣二漢屬河東郡晉屬平陽郡隋置澤州取獲澤爲名後屬長平郡唐武德元年復置澤州八年徙治端氏天寶元年改縣爲陽城有禹貢析

城山王屋山濩澤水

中端氏縣韓趙魏既分晉徙晉君于端氏卽此二漢屬河東郡晉屬平陽郡元魏置安平郡隋開皇初郡廢屬澤州唐武德六年徙州來治此貞觀元年徙治晉城

中陵川縣本漢泣氏縣北齊省之隋開皇十六年置陵

川縣屬澤州唐武德元年屬蓋州貞觀元年來屬

中下沁水縣二漢晉皆屬河內郡元魏置廣寧郡北齊郡廢改縣爲永寧隋開皇十八年復爲沁水屬澤州

唐武德元年屬蓋州貞觀元年來屬

中憲州自唐以前地理與嵐州同本樓煩監牧以嵐州刺史兼領貞元十五年別置監牧使龍紀元年節度使李克用表置憲州及樓煩縣皇朝因之咸平五年以樓煩屬嵐州以嵐州之靜樂來屬熙寧三年州廢十年復置統縣一

中靜樂縣漢汾陽縣地屬太原郡後置岢嵐縣隋開皇十八年改曰汾源大業四年又改爲靜樂屬樓煩郡唐武德四年置管州六年州廢以靜樂屬嵐州皇朝

咸平中來屬熙寧三年屬嵐州十年復來屬有管涔山汾水所出有隋汾陽宮故天池縣唐龍紀三年置屬憲州咸平省入靜樂

下嵐州春秋屬晉後爲胡地有樓煩王居焉其後屬趙秦屬太原郡二漢晉因之後魏末置嵐州隋大業四年置樓煩郡唐武德四年置東會州六年更名嵐州皇朝因之統縣三

中宜芳縣本漢汾陽縣屬太原郡高帝封靳強爲侯國積粟所在謂之羊腸倉有羊腸坂石磴縈回若羊腸

焉隋末置嵐城縣屬樓煩郡唐武德四年更名宜芳六年爲嵐州治有古秀容城魏土地記曰秀容胡人徙居之立秀容護軍治之

中下合河縣北齊置蔚汾縣隋大業四年改曰臨泉屬樓煩郡唐武德三年改曰臨津六年屬嵐州貞觀元年又改爲合河東有蔚汾關西有合河關

下樓煩縣唐龍紀元年於樓煩監西一里置爲憲州治皇朝咸平中以縣來屬

下石州戰國時趙之離石邑後爲秦魏二國之境秦屬

太原郡地漢屬西河郡東漢爲郡治焉晉置西河國北齊置西汾州及懷政郡後周改州爲石州郡爲離石郡隋開皇初郡廢大業初州廢復置離石郡唐武德元年復爲石州天寶元年曰昌化郡皇朝因之統縣三

中離石縣本戰國趙邑秦昭王伐趙取離石是也後屬太原郡漢屬西河郡而東漢徙郡治此晉爲西河國治自漢末匈奴入居內郡魏武帝分其衆爲五部在離石者以左賢王去卑監之去卑子豹豹子淵世據此地謂之左國城晉惠帝時淵起兵於此後趙石勒

置永石郡後縣廢焉北齊置昌化縣及懷政郡後周郡縣並改曰離石隋因之唐爲石州

中平夷縣後周析離石縣置隋屬離石郡唐屬石州

中方山縣後周置窟胡縣及窟胡郡隋開皇初郡廢後縣改爲修化屬離石郡後周又置廬山縣大業初并入修化唐爲方山縣武德二年置方州三年州廢來屬按舊史言方山隋縣隋史石州無方山有修化豈隋末更名而史官失紀歟有方山赤洪水

下遼州春秋屬晉戰國屬韓後屬趙秦二漢屬上黨郡

晉爲樂平郡後魏爲遼陽郡隋屬遼州大業初州廢屬太原郡唐武德三年復屬遼州六年州徙來治此八年曰箕州先天元年改曰儀州天寶元年曰樂平郡中和三年復曰遼州皇朝因之熙寧七年州廢屬平定軍元豐八年復置今縣四

下遼山縣本涅氏縣地二漢屬上黨郡晉屬遼陽縣屬樂平郡元魏曰遼陽北齊省之隋開皇十年復置更名遼山十六年屬遼州大業初州廢屬太原郡唐武德三年復屬遼州六年州治徙此有遼陽山古箕城

春秋晉人敗狄于箕先軫死焉卽此

甲下榆社縣本涅氏縣地二漢屬上黨郡晉置武鄉縣唐武德元年屬韓州三年以縣及并州之平城置榆州六年州廢來屬

下平城縣

下和順縣本韓之闕與邑趙奢破秦軍于闕與卽此漢爲沾縣屬上黨郡後置梁榆縣晉盧諶征艱賦云訪梁榆之虛郭乃闕與之舊平是也隋開皇十年改曰和順屬太原縣唐武德三年來屬熙寧七年省爲鎮

入遼山元祐元年復置

下豐州自五代以前地理與府州同皇朝嘉祐七年以府州隴泊州掌地置東南接府州西接麟州不統縣同下州威勝軍自五代以前地理與潞州同皇朝太平興國二年置威勝軍并沁州入焉今縣四

中銅鞮縣本晉大夫羊舌肸之邑漢高帝破韓王信於此縣二漢及晉屬上黨郡隋唐屬潞州皇朝爲威勝軍有舊涅縣後魏改爲陽城開皇十八年改爲甲川大業初省入銅鞮

上武鄉縣漢涅縣地晉置武鄉縣屬上黨郡石勒其縣人也有漚麻池勒與李陽爭池相毆卽此及僭位置武鄉郡後魏去武字隋開皇初郡廢屬潞州十六年分置榆杜縣大業初省入唐武后復加武字屬潞州皇朝太平興國二年來屬

中下沁源縣本穀遠縣二漢屬上黨郡晉省之元魏置沁源縣及義寧郡隋開皇初郡廢十六年置沁州大業初州廢屬上黨郡唐武德元年復置沁州天寶元年曰陽城郡皇朝太平興國六年廢州以沁源來屬

中下綿上縣隋開皇十六年分介休縣之南境置屬汾州唐武德元年屬沁州皇朝太平興國六年屬大通監寶元二年來屬晉文公以綿上爲介之推田曰以志吾過且旌善人卽此

同下州平定軍春秋屬晉戰國屬趙秦及二漢屬太原上黨二郡晉置樂平郡元魏爲西陽郡後復爲樂平隋開皇初郡廢十六年置遼州大業初州廢屬太原縣唐武德三年復置遼州治樂平領遼山平城石艾等縣後州徙治遼山而樂平石艾還屬并州皇朝太平興國二

年置平定軍今縣二

中平定縣本上艾縣漢屬太原郡東漢屬常山國晉屬樂平郡後改曰石艾隋屬太原郡唐武德三年屬遼州六年屬受州八年州廢屬并州天寶元年改曰廣陽皇朝太平興國四年改曰平定置平定軍

中樂平縣本沾縣二漢屬上黨郡晉置樂平郡元魏北齊後周皆因之隋開皇初廢郡爲樂平縣屬太原郡唐武德三年以縣置遼州六年徙治遼山而樂平屬并州皇朝太平興國四年來屬

同下州岢嵐軍自五代以前地理與嵐州同皇朝太平
興國四年析置岢嵐軍今縣一

下嵐谷縣唐長安三年析宜芳縣置屬嵐州并以岢嵐
柵爲軍景龍中張仁亶徙其軍於朔方留者號岢嵐
守捉隸大同軍皇朝復以縣置軍有岢嵐水岢嵐山
同下州寧化軍自五代以前地理與嵐州同皇朝太平
興國四年析嵐州地置寧化縣五年於縣置軍領寧化
一縣熙寧三年縣廢後復置崇寧二年又廢有雪山汾
水

同下州火山軍自五代以前地理與嵐州同皇朝太平
興國七年以嵐州雄勇鎮置軍治平七年置火山縣四
年縣廢有火山黃河

同下州保德軍自五代以前地理與嵐州同皇朝淳化
四年析嵐州地置定羌軍景德二年改曰保德不領縣
有黃河

同下州晉寧軍自五代以前地理與石州同

中下臨泉縣後周置曰烏突及置烏突郡隋開皇初郡
廢縣尋改曰太和屬石州唐武德三年改縣曰臨泉

置北和州貞觀三年州廢屬石州有湫水皇朝置軍
來屬

中定胡縣漢離石縣地後周置及置定胡郡隋開皇初
郡廢屬石州有孟門關其地險固

河東路化外州

單于大都護府本戎狄地戰國屬趙秦漢屬雲中郡魏
晉皆屬新興郡隋屬榆林郡唐龍朔三年置雲中都護
府麟德元年改爲單于大都護府并振武軍節度東北
置朔州南至勝州領縣一

中金河縣唐天寶四年置有金河有燕然山東漢竇憲
勒銘於此有李陵臺有王昭君墓名曰青冢唐咸通
中李國昌爲節度使恣橫拒命而子克用盜據雲州
侵掠代北爲邊患焉

安北大都護府唐龍朔三年立曰瀚海都督府總章二
年更名開元二年治中受降城十年徙治豐勝二州之
境十二年徙天德軍領縣二

中陰山縣故北戎之地陰山東西千餘里草木茂盛多
禽獸匈奴依阻其中治弓矢出來爲寇是其苑囿也

戰國屬趙趙武靈王築長城自代並陰山下至高闕
爲塞秦始皇斥逐匈奴自榆中並河以東屬之陰山
以爲三十四縣漢初復爲匈奴所有武帝出師征伐
斥奪此地置陰山縣屬西和郡匈奴失陰山過之未
嘗不哭東漢省入西安陽屬五原郡唐天寶元年置
陰山縣

上通濟縣

鎮北大都護府唐立領縣二

上大同縣

上長寧縣

下都督雲州本戎狄地戰國屬趙秦屬雁門定襄代三
郡二漢晉國之後魏道武徙都平城置司州代尹孝文
遷都洛陽改代尹曰萬年尹隋屬馬邑郡唐武德四年
置北常州七年州廢貞觀十四年置雲州天寶元年曰
雲中郡升大同軍節度領縣一

上雲中縣本平城縣地漢晉屬雁門郡後魏以爲代都
北齊置太平縣後周改曰雲中隋開皇初改曰雲內
屬馬邑郡唐貞觀十四年自朔州北定襄城移雲州

於雲內之常安鎮置因改雲內爲定襄縣永淳元年
爲然吸所破州縣俱廢開元二十年復置改定襄曰
雲中有故陰館縣漢屬雁門郡東漢爲郡治後魏置
平齊郡尋廢有故高柳城漢屬代郡東漢爲郡治有
叅合陂漢屬代郡韓信又與胡騎入居叅合柴將軍
屠叅合斬信於此有故桐過城二漢屬定襄郡有故
武晉城漢屬定襄郡東漢屬雲中郡有故盛樂縣漢
曰成樂屬定襄郡東漢屬雲中郡後魏昭成徙居盛
樂宮卽此有白登山匈奴圍漢高帝於此有單于臺
里威震匈奴卽此

漢武出長城登單于臺勒兵十八萬騎旌旗徑千餘
望應州唐末置後唐天成元年升彰國軍節度領縣二
望京城縣後唐明宗其縣人也故置彰國軍而以金城
爲望縣

上混源縣

上新州唐末置後唐同光二年升威勝軍節度領縣四

中永興縣

礬石縣

龍門縣

懷安縣

下蔚州本代地在常山之北趙簡子與諸子約曰吾藏寶符於常山上先得者賞諸子馳之常山無所得母卹還曰已得符矣從常山上臨代代可取也於是簡子以母卹爲賢其後繼立是爲襄子襄子北登夏屋請代王使厨人以銅斗擊殺之遂發兵定代地及武靈王置代郡秦及漢晉皆因之後魏置懷荒禦夷二鎮及靈邱郡後周置蔚州隋開皇初郡廢大業初州廢屬雁門上谷

二郡唐武德六年置蔚州天寶元年曰安邊郡至德二載曰興唐郡統縣三

中下靈邱縣有趙武靈王墓因以爲名漢屬代郡東漢省之後魏復置及置靈邱郡後周置蔚州隋屬雁門郡唐初沒于突厥武德六年置蔚州僑治陽曲七年僑治繁峙八年僑治秀容故北常州城貞觀五年破突厥復故地還治靈邱有涇水發源於高氏山東入河漢志注以爲靈邱之號在趙武靈王之前此說非也齊地別有靈邱孟子謂蚺鼃辭靈邱而請士師是

也此靈邱在趙之北境非齊趙交兵之地

中興唐縣本安邊縣唐開元十二年置治橫野軍至德二載更名興唐

下飛狐縣本廣昌縣漢屬代郡東漢省之晉復置隋仁壽初改曰飛狐屬上谷郡唐屬蔚州有飛狐谷飛狐關在代國南四十里漢酈食其說高帝所謂距飛狐之口是也晉劉琨爲胡人所攻自代出飛狐口奔於安次卽從此道

下朔州本戎狄地戰國屬趙秦漢屬代雁門二郡靈帝末羌胡大擾定襄雲中五原朔方上郡之民並流徙分散建安二十年魏武帝始集塞下荒地置新興郡晉惠帝改曰晉昌郡後魏置懷朔鎮及朔州北齊置廣安郡隋開皇初郡廢大業初州廢置代郡尋改爲馬邑郡唐武德四年復曰朔州統縣二

中善陽縣本劇陽縣漢屬雁門郡王莽改曰善陽東漢復曰劇陽晉省之北齊置招遠縣及廣安郡隋開皇初郡廢改縣曰善陽置代郡尋曰馬邑唐置朔州有故桑乾縣二漢屬代郡後魏置桑乾郡北齊改爲廣

寧郡後周廢之有秦馬邑城晉太康地記云秦時建
 此城城輒崩不成有邑馬周旋馳走反覆父老異之
 依以築城城乃不壞遂名馬邑漢武帝使薛壹翁佯
 為賣馬邑城以誘匈奴單于信之乃以十萬騎入武
 周塞覺漢兵謀引去即此地也二漢及晉屬雁門郡
 故武州縣一漢屬雁門郡所謂武周塞是也有紫河
 發源於此

中馬邑縣唐開元五年析善陽置治大同軍城

下寰州唐末置領縣一

下寰清縣

下儒州唐末置領縣一

下縉山縣

下毅州本武州唐末置後唐長興元年改曰毅州領縣

一

下文德縣

臣謝 堉恭校

輿地廣記卷二十

宋 歐陽 忞 撰

淮南東路

大都督府揚州春秋屬吳吳滅屬越越滅屬楚秦屬九江郡漢高帝六年為荊國十一年為吳國景帝曰江都國武帝曰廣陵國東漢為郡魏為重鎮後吳得之西晉屬廣陵郡東晉時以郗鑒都督青兗二州諸軍事鎮此宋置廣陵郡文帝兼置南兗州齊梁因之北齊改曰東廣州陳復曰南兗州後周改為吳州隋開皇九年改為

揚州大業初置江都郡唐武德二年曰南兗州七年曰
邗州以邗溝爲名左傳所謂吳城邗溝以通江淮是也
九年曰揚州天寶元年曰廣陵郡領淮南節度唐末楊
行密竊據其地後爲李昇所取今縣三

緊江都縣漢屬廣陵國東漢晉因之白梁至隋或廢或
置隋爲江都郡治唐爲揚州有江水祠俗謂之伍員
廟蓋以祭江神而子胥配食耳

緊廣陵縣漢吳王濞所都後爲江都廣陵國及郡治焉
魏文帝征吳幸廣陵故城臨江觀兵歎曰天所以限

南北也北齊置廣陵江陽二郡開皇初郡廢十八年
改縣曰邗江大業初改曰江陽爲江都郡治後省入
江都唐貞觀十八年復置與江都分治後改曰廣陵
唐韓臯號知音常論廣陵散以爲王凌母丘儉諸葛
誕皆欲以揚州興兵正復魏室而不克魏由是散亡
此說非也凌等爲都督時揚州治壽春至隋始以廣
陵爲揚州治凌等起事與廣陵殊不相涉

望天長縣本千秋縣唐天寶元年析江都六合高郵置
七載更名

望亳州春秋屬陳戰國屬宋秦屬陽郡漢屬沛郡東漢屬沛國兼爲豫州刺史治焉魏置譙郡晉宋因之後魏亦曰譙郡兼立南兗州後周改州曰亳州天寶元年復曰譙郡皇朝大中祥符七年升集慶軍節度今縣七望譙縣春秋陳邑漢屬沛郡魏武帝其邑人也置譙郡後周曰亳州置小黃縣及陳留郡隋開皇初郡廢大業二年改小黃曰譙縣唐因之

望城父縣春秋陳邑左傳楚昭王救陳師于城父是也漢屬沛郡東漢屬汝南郡晉屬譙郡屬魏曰浚儀隋開皇十八年改曰城父屬亳州唐因之南有乾溪楚靈王敗于此

望蒙城縣本山桑縣漢屬沛郡東漢屬汝山郡晉屬譙郡後魏置譙州及渦陽縣兼置南譙郡梁改州曰西徐州東魏改曰譙州隋開皇初郡廢十六年改渦陽縣爲肥水大業初州廢改肥水曰山桑屬譙郡唐屬亳州天寶元年改爲蒙城蒙館鎮本梁置北新安郡東魏改爲蒙郡北齊郡廢置蒙縣後廢爲鎮

望鄆縣顏師古云字本作鄆音嵯中古以來皆借鄆字

爲之讀皆作鄜而莽呼爲贊治則此縣亦有贊音二
漢屬沛郡晉屬譙郡後廢隋開皇十六年復置屬譙
郡唐屬亳州馬頭鎮本建平縣漢屬沛郡東漢省之
後魏置馬頭郡北齊廢爲鎮

望永城縣本芒敬邱二縣地二漢屬沛郡昭帝更敬邱
曰大邱光武更芒曰臨睢後皆省焉隋末置永城縣
唐屬亳州芒縣故城在今縣北有芒山與碭山相接
漢高帝隱於此大邱縣故城在今縣西北東漢陳寔
爲此縣長

望衛真縣本苦縣城東有賴鄉祠老子所生之地漢屬
淮陽國東漢屬陳國晉屬梁國後魏爲谷陽縣屬陳
留郡北齊省之隋開皇六年復置屬亳州唐乾封元
年改名真源載初元年曰仙源神龍元年復曰真源
皇朝大中祥符七年改曰衛真

繁鹿邑縣本曰鳴鹿春秋晉邑左傳諸侯侵陳至于鳴
鹿卽此東漢置武平縣屬陳國晉屬梁國隋開皇十
八年改爲鹿邑屬淮陽郡唐屬亳州鄆城鎮本漢鄆
縣屬沛郡東漢屬沛國晉省之

上宿州春秋戰國屬宋秦屬泗水郡漢屬沛郡東漢晉屬沛國梁置睢州北齊置睢南郡隋開皇初郡廢三年州廢屬徐泗亳三州唐因之元和四年初泗州之虹徐之符離斬置宿州太和三年廢七年復置左徐州南界泗水上今縣五

望符離縣二漢晉屬沛郡北齊置睢南郡唐置宿州漢竹縣屬沛郡東漢爲竹邑及晉皆屬沛國梁置睢州隋開皇三年廢竹邑入符離漢相縣爲沛郡治東漢晉因之後廢故城在今縣西北項羽破漢軍於靈璧

東睢水爲之不流卽此縣界

望斬縣本秦縣二世元年七月陳勝率戍卒起斬卽此二漢屬沛郡西有會甄鄉高帝破黥布於此晉屬譙郡梁置斬郡北齊置仁州隋開皇初郡廢大業初州廢屬鼓城郡唐屬宿州漢龍亢縣屬沛郡東漢屬沛國晉屬譙郡北齊置龍亢郡隋開皇初郡廢入斬

緊臨渙縣本鉉縣漢屬沛郡東漢屬沛國晉屬譙郡後魏改爲臨渙屬臨渙郡北齊郡廢隋屬譙郡唐武德四年置北譙州貞觀十七年州廢屬亳州天祐四年

來屬皇朝大中祥符七年復屬亳州天禧元年來屬
有嵇山

中紅縣本虹夏邱二縣地漢皆屬沛郡東漢虹屬沛郡
夏邱屬下邳國晉因之後皆廢焉北齊復置夏邱縣
及夏邱郡兼置潼州後周改州爲宋州改縣爲晉陵
隋開皇初郡廢十八年州廢縣復曰夏邱屬泗州唐
武德四年置仁州又析夏邱置虹縣六年省夏邱貞
觀八年州廢以虹屬泗州元和四年來屬

靈璧縣

紫楚州春秋屬吳戰國屬楚秦屬九江郡漢屬臨淮郡
東漢屬廣陵郡下邳國晉屬臨淮廣陵二郡東晉爲重
鎮元帝使劉隗守淮陰是也安帝置山陽郡宋齊因之
後魏置淮陰郡東魏改爲淮州隋開皇初山陽郡廢十
二年置楚州大業初州廢屬江都郡唐武德四年曰東
楚州八年更名天寶元年曰淮陰郡今縣四
望山陽縣本漢射陽縣屬臨淮郡東漢建武十五年封
子荆爲山陽公治此十七年爲三國後屬廣陵郡晉
因之義熙七年置山陽郡改射陽縣爲山陽縣宋因

之隋置楚州大業初州廢屬江都郡隋末臧君相竊據之號東楚州唐武德四年君相降因之八年曰楚州

緊寶應縣本平安縣二漢屬廣陵國晉省之後置安宜縣隋屬江都郡唐武德四年以縣置倉州七年州廢來屬上元三年以獲定國寶十三枚因改元寶應兼改縣魏鄧艾築石鼈城在今縣西八十里以營田

上鹽城縣本漢鹽瀆縣屬臨淮郡東漢晉屬廣陵郡後安帝改曰鹽城縣宋因之北齊置射陽郡陳改曰鹽

城郡隋開皇初郡廢屬揚州隋末盜章徹據其地置射州及射陽安樂新安三縣唐武德四年來歸因之七年州廢省三縣而置鹽城來屬

中淮陰縣漢屬臨淮郡韓信其邑人也今城東有漂母冢東漢屬下邳國晉為廣陵郡治後魏置淮陰郡東魏改為淮州北齊置懷恩縣後周改曰壽張隋開皇初改曰淮陰大業初州廢省縣入山陽唐乾封二年復置屬楚州

上海州春秋戰國為魯東境後屬楚秦屬薛郡後分為

郟郡漢改郟爲東海郡東漢晉宋因之宋僑立青冀二州梁置南北二青州後入元魏東魏置海州隋開皇初郡廢大業初州廢爲東海郡唐武德四年復曰海州天寶元年復曰東海郡今縣四

緊胸山縣本胸縣二漢晉屬海東郡後魏置琅耶郡後周改縣曰胸山并胸山郡隋開皇初郡廢大業初置東海郡唐爲海州秦始皇立石於胸縣海上以爲秦之東門卽此

中懷仁縣本祝其利城二縣地二漢晉屬東海郡後皆廢梁置南北二青州東魏州廢置義塘郡及懷仁縣隋開皇初郡廢屬海州唐武德四年置利城新樂二縣六年改新樂曰祝其八年省入懷仁有夾山春秋公會齊侯于夾谷傳謂之祝其是也有羽山舜殛鯀於此

中沭陽縣本原邱縣地二漢晉屬東海郡後廢梁置潼陽郡東魏改曰沭陽郡及置懷文縣後周改縣曰沭陽隋開皇初郡廢屬海州唐武德四年置原邱縣八年省爲鎮入沭陽

中東海縣本贛榆縣地漢屬琅邪郡東漢晉屬東海郡
後廢後魏置東海郡及廣饒縣隋開皇初郡廢仁壽
元年改廣饒曰東海屬海州唐武德四年置環州并
置青山石城贛榆三縣八年州廢省三縣以東海來
屬縣治鬱洲四面環海齊王田橫入海所保鬱洲也
有郁州山一名蒼梧山俗傳此山在蒼梧徒來上有
南方草木

上泰州春秋屬吳秦屬九江郡漢屬臨淮郡東漢晉屬
廣陵郡安帝分置海陵郡宋齊因之隋開皇初郡廢屬

江都郡唐武德二年置吳州七年州廢屬揚州五代吳
揚氏置海陵制置院南唐李氏升爲泰州皇朝因之後
曰海陵郡今縣四

望海陵縣漢屬臨淮郡有吳太倉枚乘傳不如海臨之
倉是也東漢省之晉復置屬廣陵郡安帝置海陵郡
唐武德三年改縣曰吳陵置吳州七年州廢復故名
吳置海陵制置院南唐爲泰州

繁興化縣南唐置

中泰興縣南唐置

中下如臯縣晉安帝置寧海如臯二縣隋開皇初置如臯入寧海屬江都郡南唐復置

上泗州春秋屬徐戰國屬吳秦屬泗水郡漢屬臨淮郡東漢屬下邳國兼置徐州晉屬臨淮郡元魏置盱眙郡梁置高平郡又置濟陰郡隋開皇初郡皆廢屬揚泗濠三州後唐屬楚泗濠三州今縣三

緊盱眙縣漢爲臨淮都尉治東漢屬下邳國晉爲臨淮郡治明帝兗州刺史劉遐自彭城退屯泗口卽此安帝時置角城鎮在淮泗之會後魏置盱眙郡陳置北

譙州尋省隋開皇初郡廢屬揚州唐武德四年置西楚州八年州廢屬楚州光宅初改曰建中後復故名建中二年屬泗州後復屬楚州皇朝乾德元年又屬泗州州徙治此有郁梁山龜山禹治水以鐵鎖鑲淮渦水神無支奇於龜山之足唐永泰中刺史李湯以大牛五十引鎖出之鎖末有一青猿高五丈許復拽牛沒水

上臨淮縣本漢下相僮二縣地屬臨淮郡東漢屬下邳國晉以下相屬臨淮郡而省僮縣後下相亦廢焉唐

長安二年析徐城南境置臨淮縣屬泗州開元二十五年州自宿預徙來治此漢下相縣故城在今縣西北僮縣故城在西南徐城鎮本徐國嬴姓有徐君墓季札掛劍之所漢屬臨淮郡東漢屬下邳國晉屬臨淮梁郡置高平郡東魏置高平縣隋開皇初郡廢十年改縣曰徐城屬泗州唐因之皇朝建隆二年省為鎮入臨淮

上招信縣本淮陵縣地漢屬臨淮郡東漢屬下邳國晉屬臨淮郡宋曰睢陵置濟陰郡後周改縣曰招義隋

開皇初郡廢大業初改縣曰北明屬鍾離郡隋末縣民馬簿盜據號化州唐因之武德三年改縣曰招義貞觀八年州廢屬濠州皇朝乾德元年來屬太平興國元年更名

上滁州春秋屬吳戰國屬楚秦及二漢屬九江郡晉屬淮南郡宋置新昌郡齊置南譙州北齊改郡為臨滁後周改曰北譙隋開皇初郡皆廢改南譙州為滁州大業初州廢屬江都郡唐武德二年復置天寶元年曰永州郡今縣三

望清流縣本漢全椒縣地後魏置頓邱縣及新昌郡南
譙州故城在今縣西南八十里北齊徙來治此隋開
皇初改爲滁州廢郡爲新昌縣十八年改曰清流大
業初州廢屬江都郡唐置滁州周世宗征南唐李景
使皇甫暉屯清流關爲周師所敗暉被擒於此
望來安縣本永陽縣唐景龍三年置清流縣置屬滁州
後改爲來安

緊全椒縣二漢屬九江郡晉屬淮南國後廢梁置北譙
縣及北譙郡北齊改縣曰臨滁後周復曰北譙隋開

皇初郡廢改縣曰滁水大業初改爲全椒屬江都郡
唐屬滁州二漢阜陵縣屬九江郡明帝時淪爲麻湖
晉屬淮南郡後廢焉故城在今縣南

上真州自五代以前地理與揚州同南唐以永正縣地
置迎南鎮皇朝乾德二年置建安軍大中祥符六年以
聖像成功升爲真州統縣二

中楊子縣唐永淳元年析江都縣置屬揚州後改爲永
正縣皇朝於縣之迎鑾鎮置軍雍熙二年以永正爲
屬後復改爲楊子屬真州

望六合縣本楚之棠邑伍尚爲棠邑大夫是也漢屬臨淮郡東漢屬廣陵郡晉元康七年置棠邑郡安帝時改置秦郡後別置尉氏縣北齊兼置秦州後周改州曰方州改郡曰六合隋開皇初郡廢四年改尉氏爲六合縣省棠邑入焉大業初州廢屬江都郡唐屬揚州皇朝至道二年來屬有瓜步山後魏太武南伐起行宮於瓜步山諸軍同日皆臨江卽此

中通州自唐以前地理與秦州同南唐李氏置靜海制置院周顯德中世宗克淮南升爲軍後以爲通州皇朝

天聖元年改曰崇州明道二年復故今縣二

望靜海縣本海陵之東境周顯德中置

望海門縣本海陵之東境周顯德中置

同下州高郵軍歷代地理與揚州同皇朝開寶四年置

高郵軍熙寧五年廢元祐元年復置今縣一

望高郵縣漢屬廣陵國東漢屬廣陵郡吳省之晉武帝大康元年復立屬臨淮郡宋屬廣陵郡梁析置竹塘三歸二縣及置廣業郡尋以有嘉禾改爲神農郡隋開皇初郡廢又省竹塘三歸臨潭三縣入焉屬江都

郡唐屬揚州皇朝置軍有神居山

臣謝 晞恭校

輿地廣記卷二十一

宋

歐

陽

恣

撰

淮南西路

緊壽州春秋戰國屬楚漢屬九江沛二郡東漢屬九江郡兼置揚州魏晉宋齊梁屬淮南郡齊兼置豫州後魏曰揚州梁曰南豫州東魏曰揚州陳曰豫州後周曰揚州隋屬汝陰淮南二郡唐屬穎壽二州後唐天成三年升為忠正軍節度周顯德中自壽春徙治穎州之下蔡皇朝因之今縣五

緊下蔡縣故州來國爲楚所滅左傳楚靈王狩于州來次于潁尾地蓋在淮潁之會後吳取之以封季札至夫差時蔡成公自新蔡徙此謂之下蔡秦相李斯其縣人也漢屬沛郡東漢屬九江郡晉屬淮南郡梁置汴郡北齊郡廢隋屬汝陰郡唐屬潁州周世宗伐南唐克壽春乃自壽春徙州治此有硤石山潁水淮水梁大同中於硤石山築城距東魏卽縣城也

望安豐縣漢陽泉安風蓼三縣地屬六安國東漢屬廬江郡魏置安豐郡晉後魏梁陳皆因之隋開皇初郡

廢屬壽州唐因之有芍陂楚相孫叔敖所造徑百里灌田萬頃魏太尉王凌與吳將張休文戰于芍陂卽此有六國故城在縣南又有蓼國皆臯陶之後偃姓後項羽封黥布爲九江王都六漢高帝元年別爲衡山國五年屬淮南國文帝十六年復爲衡山武帝元狩二年別爲六安國治六而以蓼爲屬東漢國廢以六蓼屬廬江郡晉省蓼而六屬廬江後省六入安豐陂中有大冢卽臯陶冢楚人謂之公琴

望霍邱縣漢安豐松滋二縣地晉屬安豐郡後立霍邱

東地廣記 卷三
二
戊隋開皇十九年置霍邱縣屬壽州唐武德四年以
松滋霍邱二縣置蓼州七年州廢來屬縣北有安豐
津魏母邱儉旣敗藏水草中安豐津都尉部民張屬
斬之卽此松滋漢屬廬江郡晉屬安豐郡唐省
繁壽春縣戰國時楚考烈王自陳徙都壽春命曰郢秦
滅楚置九江郡漢高帝封子長爲淮南王長子安謀
反誅地入又爲九江郡東漢因之爲揚州刺史治魏
王凌母邱儉諸葛誕皆以揚州相繼起兵欲興魏室
並爲司馬氏所誅晉爲淮南郡兼置揚州避鄭皇后

諱改壽春曰壽陽後復曰壽春元魏因之隋改揚州
曰壽州唐因之周世宗伐南唐劉仁瞻固守不降世
宗以其難克遂徙州治下蔡而復其軍曰忠正軍曰
吾以旌仁瞻之節也有八公山上有淮南王安廟圖
安及八公像後晉謝玄北禦苻堅祈八公山及陳於
淝水堅望見山上草木皆爲旌旗之狀秦師遂敗
中六安縣本漢潛安豐二縣地晉永和中謝尚鎮馬頭
城在今縣北梁置霍州及岳安郡岳安縣北齊州廢
隋開皇初郡廢改縣爲霍山屬廬州唐武德四年以

霍山應城潛城三縣置霍州正觀元年州廢省應城
潛城以霍山來屬神功元年曰武昌神龍元年復改
名開元二十七年改爲盛唐皇朝開寶四年改爲六
安霍山鎮唐天寶初析盛唐別置霍山縣開寶元年
省爲鎮入盛唐有霍山有禹貢大別山潛本楚邑漢
屬廬江郡東漢晉因之後省焉唐武德五年復置潛
縣貞觀中省入霍山有汶水潛水

上廬州春秋屬舒戰國屬楚秦屬九江郡漢屬廬江九
江二郡東漢因之曹公用劉馥爲揚州刺史以合肥空

城建立州治魏遂以爲重鎮晉屬淮南廬江二郡梁置
南豫州尋改曰合州隋開皇初改曰廬州大業初州廢
唐長興二櫺升爲昭順軍節度周顯德五年改爲保信
軍皇朝因之今縣三

上合肥縣應劭曰夏水自城父東南至此與肥合故曰
合肥一漢屬九江郡魏以張遼守之吳孫權率衆十
萬攻圍不克明帝時滿寵都督揚州諸軍鎮北於西
北三十里築新城孫權欲圍之不敢下船後諸葛恪
圍新城亦失利而退晉屬淮南郡後廢焉梁置汝陰

縣及汝陰郡隋開皇初郡廢爲合肥置廬州唐因之
有金牛山淝水淮水

中慎縣本浚道縣二漢屬九江郡故城在今縣南晉屬
淮南郡後改爲慎縣東魏置平梁郡陳曰梁郡隋開
皇初郡廢屬廬州唐因之

下舒城縣古舒國偃姓後爲楚所滅二漢舒縣爲廬江
郡治後廢爲唐開元二十三年析合肥廬江置舒城
縣屬廬州有龍舒山龍舒水

望蘄州春秋戰國屬楚秦屬九江郡二漢屬江夏郡吳

置蘄春郡晉廢屬弋陽郡北齊置雍州及齊昌郡後周
改州曰蘄州隋開皇初郡廢大業初州廢置蘄春郡唐
武德四年曰蘄州天寶元年曰蘄春郡皇朝因之今縣
五

望蘄春縣二漢屬江夏郡吳置蘄春郡晉屬弋陽郡改
縣曰蘄陽梁改曰蘄水北齊改曰齊昌郡隋開皇初
郡廢置蘄州十八年縣復曰蘄春唐因之

望蘄水縣漢蘄春縣地宋置浠水縣及永安郡隋開皇
初郡廢屬蘄州唐武德四年改縣曰蘭溪天寶元年

改曰蘄水

羅田縣

望廣濟縣唐武德四年析蘄春置永寧縣天寶元年改名廣濟有積布山黃石山

望黃梅縣漢蘄春縣地晉元帝置新蔡郡及永興縣後郡廢隋開皇初改縣爲新蔡十八年又改爲黃梅屬蘄州自黃梅山

上和州春秋屬吳戰國屬楚秦漢屬九江郡漢末揚州刺史自壽春徙治此吳爲重鎮晉屬淮南郡惠帝永興

元年分置歷陽郡宋兼置南豫州齊梁皆因之北齊置和州隋開皇初郡廢大業初州廢復置歷陽郡唐武德三年改爲和州天寶元年又曰歷陽郡皇朝因之今縣三

緊歷陽縣秦漢屬九江郡漢末爲揚州治晉置歷陽郡宋置南豫州北齊置和州隋唐因之有歷湖

中含山縣唐武德四年析歷陽置八年省長安四年復置更名武壽神龍元年復故名有濡須水吳孫權築濡須塢以拒曹公漢建安二十年公自圍之不克後

黃武二年魏軍又攻之不拔

中烏江縣本秦東城縣之烏江亭項羽欲渡烏江卽此
二漢屬九江郡晉置烏江縣屬淮南郡魏置江都郡
北齊改爲齊江郡陳改爲臨江郡後漢改爲同江郡
隋開皇初郡廢屬和州

上舒州春秋爲皖國及羣舒地戰國屬楚秦屬九江郡
二漢屬廬江郡吳孫權克皖城遂爲重鎮晉亦屬廬江
郡安帝置晉熙郡宋齊因之梁兼置豫州後改曰晉州
北齊改曰二州陳又改曰晉州隋開皇初郡廢置熙州

大業初州廢置同安郡唐武德四年改爲舒州天寶元
年復爲同安郡皇朝因之今縣五

上懷寧縣故皖國二漢爲縣屬廬江郡漢末吳克皖城
赤烏四年諸葛恪守之晉亦屬廬江郡後改皖縣爲
懷寧置晉熙郡隋郡廢置熙州復置同安郡東改爲
舒州有潛山一名天柱山漢武帝嘗登

上桐城縣本漢樅陽縣屬廬江郡武帝自尋陽浮江薄
樅陽而出是也東漢省之梁復置及置樅陽郡隋開
皇初郡廢屬熙州十八年改縣曰同安唐屬舒州至

總二載更名桐城有漢朱邑祠有盛唐山樅陽水

上宿松縣本漢皖縣地梁置高塘郡隋開皇初郡廢置

高塘縣屬熙州十八年改縣曰宿松唐武德四年置

巖州八年州廢來屬有長葛山雷水

上望江縣本漢皖縣地晉置新治縣陳置大雷郡隋開

皇初郡廢十一年改縣曰義鄉十八年又曰望江屬

熙州唐武德四年置高州尋改曰智州七年州廢屬

巖州八年州廢來屬

上太湖縣本漢皖縣地宋置太湖縣隋開皇初改曰晉

熙後復故名屬熙州唐屬舒州

上濠州本鍾離子國春秋時楚滅之以爲縣吳又取之

戰國復屬楚秦及二漢屬九江郡晉屬淮南郡東晉置

鍾離郡宋齊梁因之齊兼置北徐州北齊改曰西楚州

隋開皇初郡廢置濠州大業初州廢置鍾離郡字初作

濠唐元和三年改從濠天寶元年復曰鍾離郡皇朝因

之今縣二

望鍾離縣故鍾離三國羸姓後爲楚邊邑楚平王時吳

之邊邑卑梁處女與鍾離小童爭桑兩家交怒相攻

滅兩邑長又怒而起兵相攻遂滅卑梁吳王聞之又怒使公子光伐楚拔鍾離而還東晉置鍾離郡隋置濠州唐因之又後魏置當塗縣及馬頭郡北齊改爲馬頭縣置荆山郡隋開皇初郡廢改縣曰塗山屬濠州唐武德七年省入鍾離有塗山禹之所娶也有濠水莊子與惠子觀魚之所梁武帝堰淮水於鍾離以灌壽陽卽此

望定遠縣本漢東城縣屬九江郡項羽兵敗東城卽此地東漢因之晉屬淮南郡梁改東城曰定遠置臨濠

郡北齊改郡曰廣安隋開皇初郡廢屬濠州唐因之晉曰西曲陽屬淮南郡北齊省入定遠

上光州春秋爲黃弦二國皆爲楚所滅戰國屬楚秦屬九江郡二漢屬汝南江夏郡至魏分置弋陽郡晉宋齊梁因之兼置光州後魏亦爲弋陽郡北齊置南郢州後周置淮南郡隋開皇初州郡俱廢大業初復置弋陽郡唐曰光州天寶元年曰弋陽郡皇朝因之今縣四

上定城縣故黃國也楚人滅之二漢爲弋陽縣屬汝南郡故城在今縣西魏置弋陽郡北齊置南郢州後廢

爲南北二弋陽縣又省北弋陽入南弋陽改爲定城
縣後周又置淮南郡隋初州郡俱廢後屬弋陽郡唐
武德三年置荻州貞觀元年州廢屬光州太極元年
州自光山徙來治此有黃水

望固始縣本甯邱楚孫叔敖子所封之邑秦之滅楚蒙
恬攻甯卽此漢爲甯縣屬汝南郡光武更名固始晉
屬汝陰郡梁置蓼縣北齊復故名置北建州後周改
爲滑州隋開皇初州廢後屬弋陽郡唐屬弋州南城
鎮本蔣國周公之後楚滅之以爲期思縣漢屬汝南

郡東漢因之晉屬弋陽郡後廢宋置包信縣梁置義
城郡及建州隋開皇初並廢改包信爲殷城屬弋陽
郡唐武德元年置義州貞觀元年州廢來屬皇朝建
隆元年改曰商城後省爲鎮入固始

中下光山縣故弦國楚人滅之漢爲西陽縣屬江夏郡
晉爲弋陽郡梁置光州及光城郡隋開皇初郡廢置
光山縣大業初置弋陽郡唐爲光州太極元年州徙
治定城

中下仙居縣本二漢軹縣地屬江夏郡故城今在縣北

四十里晉屬弋陽郡宋分軌縣置樂安縣梁置宋安郡隋開皇三年郡廢後屬弋陽郡唐屬光州有僕僕先生居縣黃土山常餌杏丹乘雲往來刺史李休光以爲妖叱左右執之龍虎見乎側先生乘之而去天寶元年乃詔改樂安縣爲仙居

下黃州春秋戰國屬楚秦屬南郡二漢屬江夏郡晉初屬弋陽郡後屬西陽郡宋因之齊分置齊安郡北齊兼置衡州後周因之隋開皇初郡廢改衡州曰黃州大業初州廢置永安郡唐武德三年復爲黃州天寶元年復

曰齊安郡皇朝因之今縣三

望黃岡縣本漢西陵縣地屬江夏郡晉屬弋陽郡後屬西陽國北齊置南安縣及齊安郡隋開皇初郡廢改縣曰黃岡置黃州大業初置永安郡唐復曰黃州邾縣故城在今縣東南一百二十里楚宣王滅邾徙之於此故曰邾瑱羽封吳芮爲衡山王都此漢屬江夏郡東漢因之晉屬弋陽郡後廢東晉毛寶守邾城爲右季龍所敗有卒投江水遇白龜之救

上黃陂縣本漢西陵縣地北齊置南司州後周置黃陂

縣改南司州曰黃州隋開皇初移州治黃岡縣唐武德三年置南司州七年州廢來屬

中麻城縣本漢西陵縣地梁置信安縣陳置定州後周改曰亭州隋開皇初郡廢十八年改縣曰麻城屬黃州唐武德三年置亭州八年州廢來屬

同下州無爲軍自五代以前地理與廬州同皇朝太平興國三年以巢縣之無爲鎮置無爲軍今縣三

望無爲縣漢襄安縣地屬江郡東漢晉因之梁改曰蕪縣隋開皇初復改爲襄安屬廬江郡後併入巢縣置

無爲鎮皇朝太平興國三年以鎮置無爲軍熙寧三年析巢廬江二縣置無爲縣

望巢縣古曰南巢成湯放桀於此周初巢伯來朝春秋爲羣舒邑叛楚故楚人圍巢二漢爲居巢縣屬廬江郡晉因之隋曰襄安縣唐武德三年置巢州七年州廢改襄安爲巢縣屬廬州皇朝太平興國三年來屬有巢湖在縣東南

望廬江縣本漢龍舒縣地屬廬江郡東漢晉因之齊改曰廬江縣置廬江郡梁置湖州北齊州廢隋開皇初

郡廢屬廬州唐因之皇朝太平興國三年來屬

餘杭郡唐武德四年置杭州天寶元年曰餘杭郡升鎮

海軍節度五代為吳越王錢氏所有皇朝太平興國四

年來歸淳化五年改曰寧海軍今縣九

餘杭郡唐武德四年置杭州天寶元年曰餘杭郡升鎮

海軍節度五代為吳越王錢氏所有皇朝太平興國四

年來歸淳化五年改曰寧海軍今縣九

臣謝墉恭校

輿地廣記卷二十二

宋 歐陽忞 撰

兩浙路上

大都督府杭州春秋屬越戰國屬楚秦屬會稽郡漢因

之東漢順帝以後屬吳郡晉屬吳興吳二郡宋齊梁因

之陳置錢塘郡隋開皇中郡廢置杭州大業初州廢置

餘杭郡唐武德四年置杭州天寶元年曰餘杭郡升鎮

海軍節度五代為吳越王錢氏所有皇朝太平興國四

年來歸淳化五年改曰寧海軍今縣九

望錢塘縣五代時晉改爲錢江後別置錢塘縣與錢江分治州郭下有靈隱山昔梵僧云自天竺鷲山飛來望仁和縣本錢塘縣初郡功曹華信議立此塘以防海水始開募有能致一斛土石者卽與錢一千旬月之間來者雲集塘未成譎不復取皆棄土石而去塘遂成故曰錢塘漢屬會稽郡東漢省之晉復置屬吳郡陳置錢塘郡隋平陳郡廢自餘杭徙州治此後曰餘杭郡唐復曰杭州晉天福中避高祖名改錢塘曰錢江皇朝太平興國四年改曰仁和有臨平湖傳言此湖塞天下亂此湖開天下平吳孫皓天璽元年吳郡言臨平湖自漢末穢塞今更開通斯晉氏平吳一天下之符也

望餘杭縣秦始皇南游至錢塘臨浙江水波惡乃西百二十里從狹中渡因置餘杭縣漢屬會稽郡東漢晉屬吳郡隋置杭州後州徙治錢塘屬杭州有田拳山望臨安縣本漢餘杭縣地吳孫權分置臨水縣晉武改曰臨安屬吳郡後廢唐武德七年復置臨水縣屬潛州八年省入於潛垂拱四年析餘杭於潛以故臨水

城復置臨安縣屬杭州吳越王錢鏐其縣人也鏐既貴以素所居營爲安國錦衣軍鏐歸宴故老山林皆覆以錦梁改臨安縣曰安國縣以尊之皇朝太平興國三年復曰臨安

緊富陽縣本富春縣漢屬會稽郡東漢屬吳郡吳王孫權其縣人也置東安郡晉皇后名春孝武改曰富陽屬吳郡隋屬餘杭郡唐屬杭州

緊於潛縣二漢屬丹陽郡晉屬吳興郡隋屬餘杭郡唐屬杭州北有天目山

上新城縣本富春縣地晉咸和中置新城縣隋平陳省入錢塘後復置唐武德七年省入富陽永淳元年復置屬杭州梁改曰新登皇朝太平興國四年復改曰新城有桐溪

上鹽官縣本漢海鹽縣地吳王濞煮海爲鹽蓋在此有鹽官吳因置鹽官縣晉屬吳郡隋屬餘杭郡唐屬杭州

中昌化縣本於潛縣地唐垂拱二年析置紫溪縣萬歲通天元年曰武隆縣皆屬杭州神龍元年更武隆爲

唐山縣大歷二年省長慶初復置唐山梁改曰金昌後唐同光初復故名晉改爲橫山皇朝太平興國四年改曰昌化有百丈山紫溪水所出東南流逕新城謂之桐溪又逕桐廬入浙江

大都督越州春秋爲越國之都周顯王時越王無疆西伐楚楚威王興兵天敗之盡取故吳地至浙江而越以此散服朝於楚秦屬會稽郡漢因之東漢置會稽郡乃自吳縣徙治山陰晉宋齊梁陳皆因之宋兼置東陽州尋廢梁復置東陽州隋平陳郡廢改州曰吳州大業初

置越州尋廢置會稽郡唐復爲越州天寶元年曰會稽郡升爲鎮東軍皇朝因之統縣八

望會稽縣本於越地禹會諸侯江南計功而崩因葬焉命曰會稽會稽者會計也其後帝少康封庶子杼於會稽以奉守禹祀卽越王允常之先也秦置山陰縣屬會稽郡漢因之東漢順帝以後爲郡治晉因之後分置會稽縣隋爲吳州越州及會稽郡治唐因之南有會稽山秦始皇於此刻石紀功有禹冢禹穴有秦望山在州城正南爲衆峯之傑始皇登之以望東海

山南有嵯峴峴有大城越之先君無餘舊都于此有鏡湖若耶溪雲門

望山陰縣秦漢以來故縣隋平陳省入會稽縣唐垂拱二年復置在州郭下與會稽分治有鑑湖東漢永和五年太守馬臻所創開周回三百餘里溉田九千餘頃剡湖之始多浸冢墓有千餘人怨訐臻因被刑於市及遣使覆按總不見人藉乃知死者所訐也有龜山一名怪山一名自來山本自琅琊東武飛來於此其形似龜故名有蘭溪溪口有亭曰蘭亭晉太守王羲之作曲水序於此

望剡縣漢屬會稽郡東漢晉隋皆因之唐武德四年平李子通置嵯州六年州廢來屬有天姥山

望諸暨縣本曰句無越王允常之故邑國語所謂南至句無是也漢為諸暨縣屬會稽郡東漢晉隋皆因之唐屬越州

望餘姚縣二漢皆屬會稽郡隋省入句章縣有句餘山在餘姚南句章北故二縣因以為名唐武德四年復置及置姚州七年廢屬越州

緊蕭山縣本餘暨縣二漢屬會稽郡漢末童謠曰天子
常興東南三餘之間故孫權改曰永興縣晉因之隋
省入會稽縣唐儀鳳二年復置屬越州天寶元年改
曰蕭山縣有蕭山潘水所出水經以爲疑是浦陽江
之別名自外無水以應之越人西施出於此縣

緊新昌縣本剡縣地五代時置新昌縣屬越州有沃州
水

望平江府周初封秦伯爲吳國春秋末爲越所併戰國
屬楚秦置會稽郡漢因之東漢順帝置吳郡晉宋齊梁

陳皆因之陳兼置吳州隋平陳郡廢改州曰蘇州因姑
蘇山爲名大業初州廢復置吳郡唐武德四年曰蘇州
天寶元年曰吳郡南唐升爲中吳軍節度皇朝太平興
國三年改曰平江軍政和三年升爲平江府今縣五

望吳縣本曰句吳秦伯避公季奔荆蠻荆蠻歸之號曰
句吳武王克商因封之至夫差爲越所滅後越破更
屬楚秦置會稽郡項梁初起吳中使項藉斬會稽守
殷通卽此地漢高帝以封吳王濞後國除復爲會稽
郡東漢順帝分置吳郡隋曰蘇州唐因之有姑蘇山

虎邱山卽吳王闔廬墓也太湖中有苞山亦曰夫椒山左傳吳伐越敗之夫椒是也山有洞室入地潛行北通瑯邪東武俗謂之洞庭

望長洲縣吳有長洲苑在東漢枚乘諫吳王不如長洲之苑卽此唐萬歲通天元年析吳置長洲縣在州郭與吳分治

望崑山縣本漢婁縣地屬會稽郡東漢晉屬吳郡陸機陸雲生於此故名其山曰崑山梁置崑山縣隋平陳省之開皇十八年復置屬吳郡唐屬蘇州

望常熟縣本漢吳縣地晉分置海虞縣屬吳郡梁分置南沙常熟二縣隋平陳徙常熟於南沙而省海虞入焉屬蘇州唐因之有常熟山

緊吳江縣朱梁開平三年吳越錢鏐奏於松江置吳江上承太湖更逕笠澤國語曰越伐吳吳禦之笠澤是也

望潤州春秋屬吳戰國屬越後屬楚秦屬會稽郡二郡漢高帝以封荆王劉賈後屬會稽郡東漢屬吳郡吳王孫權初鎮丹徒謂之京城晉平吳置毘陵郡宋置南東

海郡及南徐州梁改郡曰南蘭陵郡陳曰南東海郡自
宋至陳常以京口爲重鎮隋平陳郡廢開皇十五年置
潤州大業初州廢屬江都郡唐武德三年復置潤州天
寶元年改爲丹陽郡後升鎮海軍節度皇朝改鎮江軍
今縣三

緊丹徒縣春秋時謂之朱方齊慶封奔吳予之朱方是
也秦時望雲者言其地有天子氣乃使燔衣徒三下
入鑿長坑以敗其勢故曰丹徒漢屬會稽郡東漢屬
吳郡孫權鎮此曰京城晉置毘陵郡宋置南東海郡

及南徐州隋開皇九年置延陵縣省丹徒入焉置潤
州以潤浦爲名唐因之武德三年以故延陵縣地復
置丹徒縣有北固山金山

緊丹陽縣古雲陽秦始皇改爲曲阿漢屬會稽郡東漢
屬吳郡晉屬毗陵郡隋屬江都郡唐武德三年置雲
州五年曰簡州八年州廢來屬天寶元年改爲丹陽
延陵鎮本曲阿縣地唐武德三年以延陵縣地置丹
徒乃別置延陵縣於今所屬茅州七年州廢屬蔣州
九年來屬皇朝熙寧五年省入丹陽

繁金壇縣本曲阿縣地隋末盜起土人保聚因爲金山縣唐屬蔣州武德八年省入延陵垂拱四年復置來屬更名金壇有茅山

上湖州春秋屬吳吳滅屬越戰國屬楚秦屬會稽郡二郡漢屬會稽丹陽二郡東漢屬吳郡吳孫皓分置吳興郡晉宋齊梁陳因之梁兼置震州隋開皇九年平陳郡廢仁壽中置湖州大業初州廢屬餘杭吳二郡唐武德四年復置湖州天寶元年復曰吳興郡周升爲宣德軍節度皇朝景祐元年改昭慶軍今縣六

望烏程縣漢屬會稽郡東漢屬吳郡吳置吳興郡梁置震州隋置湖州唐因之有太湖禹貢震澤也周官謂之具區有茗溪霅溪入焉有卞山衡山左傳吳伐楚至于衡山卽此

望歸安縣本烏程縣地皇朝太平興國七年析置歸安縣於郭下與烏程分治

望安吉縣本漢故鄣縣地吳興記曰光和末張角亂此鄉守險助國漢嘉之中平二年分故鄣之南鄉置安吉縣屬丹陽郡晉屬吳興郡梁陳屬陳留郡隋平陳

輿地廣記 卷三 九
郡廢省安吉人綏安義寧二年沈法興復置唐武德
四年賊平因之屬姚州七年省入長城麟德元年復
置屬湖州

望長興縣本烏程故鄣二縣地吳王闔閭使弟夫概居
此築城狹而長晉武帝因置長城縣屬吳郡隋平陳
省之仁壽中復置屬吳郡唐武德四年更置綏州因
故綏安縣爲名又改曰雉州七年州廢來屬梁避廟
諱改曰長興秦鄣郡故城在縣西南八十里二漢爲
故鄣縣屬丹陽郡晉屬吳興郡梁陳屬陳留郡隋省

入綏安俗號爲府頭

繁德清縣本武康縣地唐天授元年分置武原縣景雲
二年改爲臨溪天寶元年改爲德清

上武康縣本防風氏之國漢爲烏程縣之餘不鄉漢童
謠言天子當興東南三餘之間吳乃分餘不鄉置永
安縣晉以平陽已有永安故改此永安爲永康又改
曰武康屬吳興郡隋屬餘杭郡大業末李子通置安
州又曰武州唐武德四年賊平因之七年州廢來屬
梁屬杭州皇朝太平興國四年復來屬有封嵎山餘

不溪

上婺州春秋戰國皆屬越秦屬會稽郡二漢因之吳孫皓分置東陽郡晉宋齊因之梁置金華郡陳因之隋平陳郡廢置婺州以當天文婺女之分爲名大業初州廢復置東陽郡唐武德四年置婺州天寶元年曰東陽郡石晉升武勝軍節度皇朝淳化元年改寶寧軍今縣七望金華縣本漢烏傷縣地屬會稽郡初平三年分縣南鄉置長山縣吳爲東陽郡治晉以後因之或云本曰長仙赤松子采藥此山因而居之故以爲名後傳呼

乖訛字亦隨改梁置金華郡隋開皇中郡廢置婺州改長山縣爲吳寧十二年改曰東陽十八年又改曰金華大業初復置東陽郡唐復曰婺州有金華山赤松澗

望東陽縣本漢烏傷縣地唐垂拱二年分義烏置屬婺州有峴山

望義烏縣本二漢烏傷縣屬會稽郡異苑曰東陽顏烏以淳孝著聞父死負土成墳羣鳥啣土助焉而口皆傷因以名縣自晉至隋皆屬東陽郡唐武德七年改

烏傷為義烏有靈黃山

望湖溪縣本金華縣地唐咸亨五年分縣西界置屬婺

州有九峯山

緊永康縣吳赤烏中分烏傷縣上浦置自晉至隋皆屬

東陽郡唐武德四年置麗州八年州廢來屬有石城

山

上武義縣吳赤烏八年置後廢唐天授二年分永康復

置屬婺州後改曰武城天祐中復曰武義有八素山

上浦江縣唐天寶十三載分義烏蘭溪及杭州富陽置

浦陽縣屬婺州後改為浦江

臣謝 曠恭校

輿地廣記卷二十三

宋 歐陽忞 撰

兩浙路下

上明州秦屬會稽郡漢已降因之唐開元二十六年採
訪使齊澣奏以越州之鄞縣置以境有四明山為名天
寶元年曰餘姚郡朱梁升為望海軍節度皇朝建隆二
年改奉國軍今縣六

望鄞縣本漢鄞縣屬會稽郡東漢晉宋皆因之隋平陳
省入句章屬會稽郡唐武德四年以句章縣置鄞州

八年州廢更置鄞縣屬越州開元中置羽州軍宋時
改曰鄞縣有四明山鄞縣故城在今縣東南漢屬會
稽郡東漢及晉宋皆因之隋平陳省入句章句章郡
漢^原晉宋隋皆因之唐省入鄞縣故城在今縣四
望奉化縣本漢鄞縣開元二十四年分鄞縣置屬明州
有鎮亭山

上慈谿縣本漢句章縣地唐開元二十六年分鄞縣置
屬明州有句餘州

上定海縣本望海縣朱梁開元三年吳越錢鏐奏置屬
明州後改曰定海有大浹江越滅吳欲還吳王夫差
於甬東韋昭以爲句章東浹口外洲是也

下象山縣本漢鄞縣地唐神龍二年分寧海鄞二縣置
屬台州廣德二年來屬有東門山卽漢志所謂越天
門山也

下昌國縣皇朝熙寧六年析鄞縣置有雲雩山

望常州春秋屬吳戰國屬越後屬楚秦漢屬會稽郡東
漢屬吳郡吳分會稽之無錫以西爲屯田置典農校尉
晉太康二年省校尉屬毘陵郡惠帝以東海王越世子

名毘改曰晉陵郡宋齊梁陳因之隋平陳郡廢置常州
大業初州廢置毘陵郡唐武德三年復置常州天寶元
年曰晉陵郡後復曰毘陵皇朝因之今縣

望晉陵縣本延陵吳季札居之漢曰毘陵縣屬會稽郡
東漢屬吳郡晉屬毘陵郡後郡縣俱改爲晉陵隋初
曰常州後曰毘陵郡唐因之有橫山有季札墓在縣
北七十里漳浦之西

望武進縣本漢曲阿縣地晉分丹徒曲阿置屬毘陵郡
梁改曰蘭陵屬南蘭陵郡隋省入曲阿屬江都郡唐

垂拱二年復置於州城內與晉陵分治

望無錫縣吳泰伯始所居地春申君城故墟漢爲無錫
縣屬會稽郡東漢屬吳郡吳省晉太康元年復置屬
毘陵郡宋以後屬毘陵郡唐屬常州有慧山

望宜興縣本陽羨縣漢屬會稽郡吳屬吳興郡晉惠帝
以周玘創議討石冰分爲原義興郡以表其功宋齊

梁陳因之隋平陳郡廢改陽羨郡爲義興屬常州唐
武德七年置南興州八年州廢來屬皇朝太平興國
元年改曰宜興

望江陰縣梁分蘭陵縣置及置江陰郡隋平陳郡廢屬
常州唐武德三年置暨州九年州廢來屬南唐置江
陰軍皇朝淳化元年軍廢來屬三年復置軍熙寧四
年又廢來屬

上溫州春秋屬越秦二漢屬會稽郡吳屬臨海郡晉明
帝置永嘉郡宋齊梁陳因之隋平陳郡廢屬處州大業
初屬永嘉郡唐武德五年置東嘉州貞觀元年州廢屬
括州上元二年置溫州天寶元年曰永嘉郡石晉升靜
海軍節度皇朝太平興國二年降軍事今縣四

緊永嘉縣本東甌國漢惠帝立閩君搖爲東海王都東
甌世號曰東甌王後世爲閩越所攻東甌舉國徙江
淮之間東漢永和三年以章安縣之東甌鄉置永寧
縣屬會稽郡吳屬臨海郡晉宋爲永嘉郡治隋平陳
郡廢改縣爲永嘉唐爲溫州

望平陽縣本橫陽縣晉太康四年置曰始陽後改名宋
因之後省唐武德五年分安同縣復置屬東嘉州貞
觀元年省大定元年復置屬溫州朱梁改曰平陽有
橫陽山

緊瑞安縣本東漢章安縣地吳置羅陽縣又改曰安陽
晉改爲安國屬臨海郡宋因之隋省焉唐武德五年
析永嘉縣復置屬東嘉州貞觀元年屬括州上元二
年屬温州五代時改曰瑞安

上樂清縣本樂城縣晉孝武分永寧縣置屬永嘉郡宋
因之後省入永嘉縣唐武德五年復置屬東嘉州七
年又省武初元年復置屬温州五代時改曰樂清有
鴈蕩山芙蓉山

上台州春秋戰國屬越秦屬會稽郡漢屬東甌國後屬
會稽郡東漢因之吳置臨海郡晉宋齊梁陳因之隋平
陳郡廢屬處州後屬永嘉郡唐武德四年置海州五年
改爲台州天寶元年曰臨海郡皇朝因之今縣五

望臨海縣本漢回浦屬會稽郡東漢改曰章安吳分章
安置臨海縣屬臨海郡晉宋因之後省入章安隋平
陳郡廢改章安曰臨海屬處州後屬永嘉郡唐武德
四年置海州復置章安縣五年改曰台州八年省章
安有括蒼山天姥山

望黃巖縣本永寧縣唐上元二年分臨海置屬台州天

授元年更名有黃巖山

緊寧海縣本漢剡縣地晉爲寧海縣屬臨海郡宋因之
後省唐武德四年析臨海復置屬海州七年省入章
安永昌元年復置台州有桐柏山

上天台縣吳置始平縣晉太康元年改曰始豐屬臨海
郡宋因之後省唐武德四年析臨海縣復析屬海州
八年省貞觀八年復置上元二年改爲唐朱梁改爲
天台後唐復故石晉改爲台興皇朝建隆元年復改
曰天台有天台山赤城山

上仙居縣本樂安縣晉永和三年分始豐縣南鄉置宋
因之後省唐武德四年析臨海置屬海州八年省上
元二年復置屬台州五代時改爲永安皇朝景德四
年改爲仙安

上處州春秋戰國屬越秦屬會稽郡漢爲東甌國地後
屬會稽郡東漢因之吳置臨海郡晉屬永嘉郡宋以後
因之隋開皇九年平陳置處州十二年改爲括州大業
初州廢置永嘉郡唐武德四年復置括州天寶元年改
曰縉雲郡大曆四年避德宗名改爲處州皇朝因之今



原件短缺

縣五

望麗水縣本漢章安縣地隋平陳分松陽縣東更置括
蒼縣及處州又改曰括州廢州置永嘉郡唐曰括州
大曆廿四年改曰處州縣曰毘水有括蒼山

望龍泉縣本遂昌松陽二縣地唐乾元二年析置龍泉
縣有豫章山龍泉湖

上松陽縣吳置屬臨海郡晉因之宋屬永嘉郡隋平陳
郡廢屬處州唐因之朱梁時楊氏據江淮於是吳越
錢氏上言以海寇未平恥聞逆姓請改爲長松後又

年析信安復置六年省之故盈川縣唐如意元年析
龍邱置元和七年省入信安有石室山晉民王質伐
木至石室山見童子四人彈琴而歌質倚斧柯聽之
俄頃而去斧柯爛盡旣歸已數十年親戚凋落無復
向時矣

緊江山縣本須江縣唐武德四年析信安置屬衢州八
年省永昌元年復置五代時改爲江山有江郎山通
典謂之須郎山發地如筍有三峯焉

上龍游縣本姑蔑越之西部也秦爲太末縣屬會稽郡

二漢因之晉宋以後屬東陽郡隋平陳省入金華唐武德四年復置太末縣及谷州八年州廢省縣入信安貞觀八年復置更名龍邱屬婺州五代時改爲龍游有龍邱山穀水

中常山縣本信安縣地唐咸亨五年置常山縣屬婺州垂拱二年來屬乾元元年屬信州後復故有常山中開化縣本常山縣地皇乾德四年置開化場太平興國六年升爲縣

上睦州春秋戰國屬越後屬楚秦屬會稽鄞二郡漢屬

會稽丹陽二郡東漢屬丹陽吳二郡梁置新安郡隋平陳郡廢仁壽二年置睦州大業初州廢置遂安郡唐武德四年改爲睦州天寶元年曰新定郡皇朝因之今縣六

望建德縣本漢富陽縣地屬會稽郡吳置建德縣屬吳郡晉宋因之隋省入吳寧唐武德四年復置屬睦州七年省入桐廬雉山永淳二年復置萬歲通天二年州自雉山移治於此

望青溪縣漢歙縣地屬丹陽郡梁置新安郡及新安縣

隋平陳郡廢大業初改爲雉山縣置遂安郡唐武德四年置睦州文明元年復爲新安萬歲通天二年州徙治建德開元二十年改爲還淳永貞元年改曰青溪有雉山

上桐廬縣漢富春縣地吳分置屬吳郡晉宋因之隋平陳縣廢仁壽中復置屬睦州唐武德四年置嚴州七年州廢來屬有嚴陵山嚴陵瀨卽嚴子陵之所居也中分水縣本桐廬縣地唐武德四年置屬嚴州七年省如意元年復置更名武盛屬睦州神龍元年復故名

中遂安縣本漢歙縣地吳分置新定縣屬新安郡晉太康元年改名遂安宋因之隋平陳縣廢仁壽中復置屬睦州唐因之有白英山

中壽昌縣本雉山縣地唐永昌元年分置屬睦州載初元年省神龍元年復置

上秀州春秋時吳越分境於此吳亡屬越越敗屬楚秦屬會稽郡漢因之東漢晉宋屬吳郡隋唐屬蘇州後屬杭州石晉省吳越錢氏奏置秀州皇朝因之今縣四望嘉興縣故構李地吳之南境春秋吳伐越越子陳子

檣李卽此奈爲長水縣望氣者云有天子氣始皇乃
令囚徒十萬人掘汙其地表以惡名收曰囚拳縣後
曰由拳漢屬會稽郡東漢屬吳郡吳黃龍四年由拳
有嘉禾生改爲禾興後太子諱禾改爲嘉興晉宋因
之後省焉唐武德七年復置屬蘇州八年省入吳縣
貞觀八年復置五代屬杭州吳越王錢元瓘奏置秀
州有胥山

緊華亭縣本崑山縣地唐天寶中置屬蘇州後屬秀州
有華亭谷水有崑山吳睦氏之先葬此後機雲兄弟
有辭學時人以玉出崑崗因名之有機雲宅在谷中
後機臨刑歎曰華亭鶴唳可得聞乎

上海鹽縣故武原鄉越地也秦置海鹽縣屬會稽郡漢
因之東漢屬吳郡順帝時縣淪陷爲湖今當湖是也
大旱湖竭城郭猶可識後乃移今所晉宋因之後省
焉唐景雲二年分嘉興復置屬蘇州先天元年省開
元五年復置後屬秀州

中崇德縣有語兒水本曰禦兒越之北境越語云勾踐
之地北至禦兒卽此

中宗... 本曰... 臣謝... 嘯恭校

臣謝嘯恭校

輿地廣記卷二十四

宋 歐陽忞 撰

江南東路

次府江寧府春秋屬吳戰國屬越後屬楚秦屬郢郡二
 漢屬丹陽郡吳王孫權初鎮丹徒謂之京城後徙都秣
 陵改為建業晉平吳以為丹陽郡及揚州刺史治東晉
 元帝渡江復都焉改丹陽太守為尹宋齊梁陳因之常
 以京口為重鎮隋平陳郡廢夷蕩耕墾更於石頭城置
 蔣州大業初復置丹陽郡唐武德三年置揚州七年平

輔公祐復改爲蔣州八年又改爲揚州九年州徙治江都以其地屬潤州至德二載析置江寧郡乾元元年曰昇州上元三年州廢光啟三年復置五代時南唐李氏竊據升爲江寧府皇朝開寶八年克復降爲昇州天禧二年復升江寧府建康軍節度今縣在

次亦上元縣本楚邑楚威王以其地有王氣埋金以鎮之故曰金陵秦改曰秣陵二漢屬丹陽郡吳建安十六年改曰建業因都焉晉武帝平吳復曰秣陵本治去京邑六十里故冶村是也安帝義興九年移治京

邑宋齊梁陳因之隋平陳省秣陵入江寧縣置蔣州唐武德三年改江寧曰歸化屬揚州八年改歸化曰金陵九年改金陵曰白下屬潤州貞觀九年復改白下曰江寧肅宗上元二年改曰上元乾元元年置昇州南唐置江寧府故建康縣本建業縣晉武帝旣復改建業爲秣陵太康三年又分秣陵之水北置建業縣後避愍帝名改曰建康隋省入江寧湖熟鎮本湖熟縣二漢晉宋屬丹陽郡後省入焉有蔣山石頭城六朝以爲重鎮

次赤江寧縣晉武太康元年分秣陵置臨江縣二年更名唐旣改江寧爲上元南唐復析上元置江寧分治郭下

次畿句容縣二漢晉宋屬丹陽郡隋屬江都郡唐武德三年置茅州七年州廢屬蔣州九年屬潤州乾元元年屬昇州有茅山一名句曲山形如句字之曲縣取名焉

次畿溧水縣本溧陽縣二漢晉宋屬丹陽郡隋改爲溧水縣屬蔣州唐武德三年屬揚州七年屬宣州乾元

元年屬并州伍子胥自楚出奔未至吳而疾止中道乞食於溧陽卽此

次畿溧陽縣唐武德三年析溧水縣置屬揚州九年屬宣州上元元年屬昇州

望宣州春秋屬吳戰國屬越後屬楚秦屬鄣郡二漢屬丹陽郡吳爲重鎮晉徙丹陽於建業而以其地置宣城郡宋齊梁陳因之兼置南豫州隋平陳郡廢改州爲宣州大業初復置宣城郡唐武德三年曰宣州天寶元年曰宣城郡吳升爲寧國軍節度皇朝因之今縣六

輿地通志 卷三
望宣城縣本宛陵縣二漢爲丹陽郡治晉置宣城郡宋齊梁陳因之隋廢郡而改宛陵曰宣城置宣州唐因之亦吳懷安縣地屬丹陽郡晉屬宣城郡宋齊梁陳因之隋省入宣城有敬亭山

望南陵縣漢春穀縣地屬丹陽郡東漢晉因之孝武改爲陽穀後省梁置南陵縣及南陵郡陳置北江州隋平陳州郡並廢屬宣城郡唐武德四年屬池州州廢來屬亦漢宣城縣地屬丹陽郡東漢省之晉復置屬宣城郡後省故城在今縣東

緊涇縣二漢屬丹陽郡晉屬宣城郡宋齊梁陳因之唐武德三年置南徐州尋更名猷州八年州廢來屬故安吳縣吳分宛陵置晉宋齊梁陳屬宣城郡隋省入涇唐武德三年復置八年又省亦陵陽縣地二漢晉屬丹陽郡成帝以皇后諱改爲廣陽縣宋因之後省有陵陽山列仙傳云陵陽子明鈞得白龍放之後三年龍迎子明上陵陽山仙去因以名縣

緊寧國縣吳分宛陵置晉宋齊梁陳屬宣城郡隋省入宣城唐武德三年復置屬宣州六年又省大寶三載

復置

繁旌德縣唐寶應二年析太平縣置屬宣州有棲真山中太平縣唐天寶十一載析當塗涇縣地置屬宣州大曆中省永泰中復置

上歙州春秋屬吳戰國屬越後屬楚秦屬鄣郡二漢屬丹陽郡吳孫權分置屬新都郡晉武帝改爲新安郡宋齊因之後廢隋平陳置歙州大業初置新安郡廢武德四年復置歙州天寶元年曰新安郡皇朝因之統縣六望歙縣二漢屬丹陽郡吳孫權使賀齊平山越於是立

始新都尉於歙之華鄉令齊守之遂置始新縣及新都郡晉太康元年改郡曰新安後郡廢而省始新入歙隋平陳廢歙開皇十一年復置屬歙州大業初屬新安郡唐爲歙州治焉

望休寧縣孫權分歙置休陽縣晉武帝改爲海寧屬新安郡宋因之隋開皇十八年改爲休寧大業初置新安郡唐屬歙州

望祈門縣本黟縣地唐代宗時歙州賊方清此據爲壘永泰二年平賊因其壘置祈門縣屬歙州有祈山閭

門灘善覆舟

望婺源縣唐開皇二十八年析休寧置屬歙州

望溪績縣唐永徽五年分歙置北野縣屬歙州後更名

績溪

緊黟縣二漢屬丹陽郡晉宋屬新安郡隋平陳縣廢開

皇十一年復置屬歙州唐因之有林歷山吳賀齊討

山越賊保林歷山四面險絕齊使以鐵杙椽山而升

出其不意遂平賊

上江州古揚荆二州之境春秋戰國屬楚秦屬九江郡

二漢屬廬江豫章二郡晉惠帝置尋陽郡兼置江州治

初豫章成帝咸康六年移治尋陽中流襟帶常爲重鎮

宋齊梁陳因之隋平陳郡廢大業初州廢置九江郡唐

武德四年復置江州天寶元年曰尋陽郡皇朝因之今

縣五

望德化縣本尋陽縣二漢屬廬江郡吳屬蕪春郡晉復

屬廬江永興元年置尋陽郡咸康六年江州自豫章

徙治尋陽縣本在江北溫嶠移置江南後省入柴桑

柴桑縣二漢屬豫章郡曹公攻劉備於夏口時孫權

擁兵柴桑以觀成敗諸葛亮說權與并力拒曹公故城在今縣南所謂楚城鎮是也宋齊梁陳皆爲尋陽郡及江州治焉隋平陳郡廢復改縣曰尋陽開皇十八年改曰彭蠡大業初改曰湓城置九江郡唐復改曰尋陽置江州五代時改爲德化禹貢九江在州西北始別於鄂陵終會於江口有廬山柴桑山彭蠡湖緊德安縣本歷陵縣二漢屬豫章郡晉屬鄱陽郡後省五代時置德安縣屬江州有禹貢敷淺原

中瑞昌縣五代時置屬江州有王喬山清虛玉華洞

中湖口縣五代時置屬江州晉盧循之敗悉力柵左里宋武帝攻其柵循單舸走衆皆降卽彭蠡湖口今縣是也

中彭澤縣禹貢彭蠡澤在西因以名縣二漢晉屬豫章郡宋省之後復置梁置太康郡隋梁陳郡縣並廢而置龍城縣屬江州開皇十八年復改曰彭澤唐因之有馬當山

上池州春秋屬吳戰國屬越後屬楚秦屬鄣郡二漢屬丹陽郡晉屬宣城郡宋齊梁陳隋因之唐武德四年析

宣州置池州貞觀元年州廢永泰元年復置後曰池陽
郡皇朝因之今縣六

望貴池縣本石城縣地二漢屬丹陽郡晉以後屬宣城
郡隋平陳縣廢開皇十九年置秋浦縣屬宣州唐分
置池州五代時改秋浦爲貴池有烏石山貴池

上青陽縣本臨城縣吳置晉屬宣城郡宋齊梁陳因之
隋省入南陵唐天寶元年析置青陽縣屬宣州後屬
池州有九華山

上銅陵縣本南陵縣地唐析置義安縣又廢義安爲銅

官五代時置銅陵縣屬江寧府皇朝開寶八年來屬
有梅根山利國山

上建德縣本至德縣唐至德二年析鄱陽秋浦置屬江
州乾元元年屬饒州永泰元年來屬五代時省後復
置改爲建德有石門山關溪

上石埭縣唐永泰中析青陽秋浦置治右石埭城屬池
州

中下東流縣五代時置屬江州皇朝太平興國三年來
屬

上饒州春秋屬楚後屬吳戰國屬越後屬楚秦屬九江郡二漢屬豫章郡吳孫權分置鄱陽郡晉宋齊梁因之梁兼置吳州隋平陳郡廢改州爲饒州以其物產豐饒大業初復置鄱陽郡唐武德四年曰饒州天寶元年曰鄱陽郡皇朝因之今縣六

望鄱陽縣本楚邑春秋吳伐楚取鄱是也秦時吳芮爲鄱陽令甚得江湖間心號曰鄱君二漢屬豫章郡吳置鄱陽郡晉以後因之隋置饒州唐因之有鄱江故廣晉縣吳置曰廣昌郡吳芮故城也晉太康元年更

名爲鄱陽郡治宋因之後省唐武德五年復置八年省入鄱陽

望餘干縣故越之西境所謂干越也二漢曰餘汗屬豫章郡晉宋齊梁陳隋屬鄱陽郡唐屬饒州有餘水北流入贛江

望浮梁縣本新平縣唐武德四年析鄱陽置屬饒州八年省開元四年復置新昌天寶元年更名浮梁有石藏山

望樂平縣本吳樂安縣晉宋屬鄱陽郡後省唐武德四

年置樂平縣屬饒州九年省後復置

望德興縣五代析樂平置屬饒州有銀山

中安仁縣皇朝開寶八年以餘干縣地置安仁場端拱元年升為縣

上信州春秋戰國皆屬越後屬楚秦屬九江會稽二郡二漢屬豫章會稽二郡晉宋及隋屬鄱陽東陽二郡唐乾元元年析饒州之弋陽衢州之常山玉山及建撫二州之地置信州後曰上饒郡皇朝因之統縣六

望上饒縣吳置晉省之宋復置屬鄱陽郡後省唐武德

四年復置七年省入弋陽乾元元年復置并置信州有上饒江

望玉山縣唐證聖二年析常山須江弋陽置屬衢州乾元元年來屬有懷玉山

望弋陽縣吳置葛陽縣晉宋屬鄱陽郡隋開皇十二年改為弋陽屬饒州唐乾元元年來屬有弋溪寶豐鎮皇朝開寶八年升為縣景祐二年省康定元年復置慶歷三年又省入弋陽

望貴溪縣唐永泰元年析弋陽置屬信州有龍虎山貴

溪

中鉛山縣五代時置皇朝開寶八年以縣直隸京師後屬信州有鉛山

中永豐縣唐乾元元年析上饒置屬信州元和七年省入為鎮皇朝熙寧七年復升為縣有豐山有永豐溪上太平州自唐以前地理與宣州同南唐置雄遠軍皇朝開寶八年改平南軍太平興國三年升為太平州今縣二

上當塗縣本漢丹陽縣地晉太康二年分置于湖縣成

帝以淮南當塗流民寓居于湖乃僑立當塗縣以治之分于湖為境而於江南僑立淮南郡治于湖以當塗屬焉宋齊梁陳皆因之隋平陳郡及于湖廢以當塗屬丹陽郡唐武德三年置南豫州八年州廢屬宣州乾元元年屬昇州上元二年復屬宣州南唐置雄遠軍皇朝改為平南軍又改為太平州于湖縣故城在今縣南丹陽鎮本丹陽縣二漢晉宋屬丹陽郡後廢唐武德三年析江寧縣復置屬饒州九年州廢屬宣州貞觀元年省入當塗有牛渚山一名采石在縣

北大江中晉温嶠回軍至牛渚磯聞鼓樂之音水深不可測乃燃犀角照之見水族奇形異狀朱衣躍馬嶠夜夢神曰與君幽明道別何得相照有丹陽湖慈湖

中蕪湖縣本吳鳩茲地左傳楚子重伐吳克鳩茲是也二漢晉屬丹陽郡晉宋僑立襄垣縣奇治蕪湖後屬淮南郡宋齊梁陳因之隋平陳省襄垣入當塗五代時析當塗縣置蕪湖縣屬宣州皇朝太平興國二年來屬有尺鑄山蕪湖

中繁昌縣晉之繁昌本屬襄城郡亂後於此僑立屬淮南郡而分于湖爲境宋齊梁陳因之隋平陳省繁昌入當塗五代時析當塗復置屬宣州皇朝太平興國二年來屬有靈山隱靜山

同下州南康軍春秋戰國皆屬楚秦屬九江郡漢屬豫章郡東漢晉宋皆因之隋屬九江豫章二郡唐屬江洪二州皇朝太平興國二年置南康軍今縣三

望星子縣本漢彭澤縣地屬豫章郡後爲德化縣之星子鎮皇朝太平興國二年置星子縣屬江州七年置

南康軍有廬山彭蠡湖落星石昔有星墜水化爲石
縣鎮蓋因石爲名吳越錢氏封爲寶石山

望建昌縣本漢海昏縣地昌邑王賀廢遷於此屬豫章
郡東漢永元十六年置建昌縣晉宋齊梁陳隋因之
而省海昏入焉唐武德五年置南昌州八年州廢屬
洪州皇朝太平興國七年來屬亦永修縣地東漢中
平中置晉宋齊梁陳皆屬豫章郡隋省入建昌唐武
德五年復置八年省亦新吳縣地東漢中平中置晉
宋齊梁陳皆屬豫章郡隋省入建昌唐武德五年復
置八年省永淳二年又置後省

上都昌縣本漢彭澤縣地唐武德五年置屬洪州八年
廢屬江州皇朝太平興國七年來屬有桑落山晉將
劉毅爲盧循所敗之地有釣磯山晉陶侃微時嘗登
此垂釣

同下州廣德軍春秋屬吳戰國屬越後屬楚秦屬鄣郡
一漢屬丹陽郡晉屬宣城郡宋齊因之梁置大梁郡又
改爲陳留郡隋平陳郡廢屬宣州唐因之南唐屬昇州
皇朝開寶八年屬宣州太平興國四年置廣德軍今縣

望廣德縣本漢丹陽郡地鴻嘉二年以爲廣德國封中山靖王勝之後雲客是爲夷王晉太康中置廣德縣及宋齊皆屬宣城郡梁分置石封縣并置大梁郡又改爲陳留郡隋平陳郡廢改石封爲綏安縣屬宣州而省廣德入焉唐武德二載改綏安爲廣德南唐屬昇州皇朝屬宣州後置廣德軍有桐源山桐水左傳楚子西子期伐吳及桐汭卽此望建平縣本廣德縣之卽步鎮皇朝端拱元年置建平

縣屬廣德軍有伍牙山伍員伐楚還吳經此山因以爲名

臣謝
朐恭校

程